



**Antoninus Diana Panormitanus, Clericus Regularis, Doctor  
Celeberrimus, Coram S. D. N. Alexandro VII. Episcoporum  
Examinator, & Sancti Officij Regni Siciliae Consultor,  
Coordinatus, Seu Omnes ...**

**Diana, Antonino**

**Lugduni, M. DC. LXXX.**

98. An Consecratio Episcopi inducat circumstantiam necessario in  
Cpnfessione explicandam? Et deducitur à fortiori certum esse  
fornicationem Episcopi nondum consecrati, nec sacro Ordine initiati, ...

---

[urn:nbn:de:hbz:466:1-76369](#)

rez satis probabilem existimo, quam tuerit etiam novissime Pater Gerunda de Episcopo, tom. 2. lib. 8. dispt. 13. cap. 3. num. 15.

Sed licet sententiam Sanchez sequatur novissime Paulus Squillante de Priuile. & obligationib. Episcoporum, p. 1. cap. 9. n. 4. Ego tamen magis adhaereo opinioni P. Gerunda.

## RESOL. XCVII.

An in Consecratione Episcopus obligatus voto, vel iuramento ad Apostolorum limina visitanda? Et quid si legitimo impedimento detenus fuerit? Ex p. 62. tr. 1. Ref. 97.

§. 1. **S** anchez in summa tom. 1. lib. 4. cap. 15. n. 12. Docet hanc obligationem esse voti personalis, quod tamen instar realis obligat, & posse per alium impleri: nam stylus habet & explicat hoc votum, vt per seipso, vel alios id praestent Episcopi; atque ita solent committendo alicui Romanis vt id nomine Episcoporum, praeferunt distantium faciant: nam id est de ratione voti personalis a scientie perpetuum sibi esse impedimentum, vt ab alio, committentis nomine, possit adimpleri: & videatur approbatum ab Ecclesia scientie, nec obligante, vt alia hoc votum impleatur, & sane si fecus intelligeretur esset impossibile Episcopis longe distantibus, necnon irritum, cum impediens esset residentiam iure diuino ab ipsis debitam; Tandem addit Author etiam existentem Episcopum Romanum satisfacere, si implete hoc votum per alterum.

§. 2. Verum circa superius dicta à Patre Sanch. multas habet difficultates Pater Gerunda de Episcopo, tom. 2. libro 8. dispt. 13. cap. 3. num. 17. [Primum hanc singularum aliarum partium huius formulæ, non esse voti, sed iuramenti promissori super ostendi, quam specie distingui ab obligatione voti sapè hic docui. Deinde dico non promanare à natura voti personalis per modum realis emissi posse Praesulem per alium satisfacere huic obligationi, sed ratione modi, ac formulæ sub qua promisit, vt patet ex supra exarata per illam clauulam. *Quod si legitimo impedimento detenus fuero, prafata omnia adimplero per certum Nuntium, &c.* Neque scio aliter vnum habere, eo praefermi, quod in dicta forma multas amplectitur personas promouendus iurans; quibus de sensu propriæ Ecclesiae instructis possit totum hoc negotium committere. Neque facile dederim manum Sancho, vt assaram, absque legitimo impedimento Praesulim posse hanc rem transfigi, cum expresse caueatur id in forma iuramenti; imo vt patet è clausula penultima, legitimum impedimentum promisit Episcopus, per legitimas probationes se docturum, easque remissum ad Cardinalem proponetem in Congregatione Sacri Concilij, tametsi facilis negocia admitti relationem Ecclesiæ longe distantium, non negauerim ob longitudinem, periculumque itineris, & ob alias quæ solent affectari, tricas impeditives viatores. Neque quod adserit Sanchez de impedimento residentiæ aliquid probar, cum huiusmodi obligatio satis abunde circumspecta sit, atque attemperata, vt ex Italia. Insolisque adiacentibus tertio quoque anno teneantur Episcopi Romanæ adire: Galli Hispani, Germani, Belgæ, Boemæ, Hungari, Poloni, Angli, Scotti, Hiberni, ac similes quinto quoque anno, ac decimo ceteri è remotioribus regionibus, vt Afasici, ac noui Orbis. Denique ultimū Sanchi placitum non approbo, vt potest contra expelsum iuramentum, quo se vincit Episcopus. Itaque in Curia Romana existens Antistes, ni legitimo infirmitatis, vel alio impedimento detenus, non posset, neque sue satisfaceret obligationi, si munus hoc alteri demandaret. Hucysque Gerunda.

## RESOL. XCVIII.

An Consecratio Episcopi inducat circumstantiam necessariam in confessione explicandam? Et deducitur à fortiori certum esse fornicationem Episcopi nondum consecrati, nec sacro Ordine initiatum, sceluso scandalo, non excedere malitiam simplicis fornicationis. Ex p. 12. tract. 1. Ref. 98.

§. 1. **A** Firmatiue responder Fagund. precep. 4. lib. 4. cap. 3. num. 8. asservens, quod si Episcopus iam sit consecratus, non satisfacere dicendo in confessione se peccasse contra statum, sed teneat declarare circumstantiam confessionis, quia status Episcopalis est multo perfector & sanctior, quam status religiosi; unde si status Religiosi est circumstantia notabiliter augens peccatum, multo magis erit status Episcopalis. Nugnus vero in addit. ad 3. part. quæst. 9. art. 2. dub. 3. conclus. 2. & 3. addit. teneat Episcopum istam circumstantiam explicare in quocunque peccato mortali: quia Episcopi ratione proprij status tenentur ad perfectionem vita Christiana habendas, at huic perfectioni ex aequo repugnat quodque peccatum mortale.

2. Sed ego alibi negatiuam sententiam docui, quam me citato nouissime firmat doctus, & amicissimus Pater Petrus de Sacramento penitentie, dispt. 18. sect. 12. numero 2. Ratio est quia nullam aliam obligationem ad castitatem habet, quam ratione voti annexi Ordini sacro: ergo ciuitate rationis est fornicatio Episcopi, ac fornicatio cuiuscumque in Ordine sacro constituti. Quod intellige, nisi fornicatio illa ab Episcopo commissa ita publica efficiat scandalum causaret: tunc enim specialis malitia ex status ac offici circumstantia contrahetur; & que esset necessario in Confessione explicanda; quia delinqueret aduersus specialem offici obligationem, qua tenetur subditos pascere verbo, & exemplo.

3. Ex his appetat à fortiori certum esse fornicationem Episcopi nondum consecrati, nec sacro Ordine initiati, sceluso scandalo non excedere malitiam simplicis fornicationis. Ratio est, quia nulli obligationi speciali ad castitatem prius communem enibus aliis aduersatur, & solo iure Ecclesiastico, hanc Episcopali annexatur specialis castitas ratione ordinis sacri. Quare sicut non obstante maiori perficitio status Episcopalis in ordine ad alios perficiendos, nullo iure est ei annexi paupertas, quia tamen est de essentiâ status Religiosi, & si minus perficit; ita nec castitas nisi de iure Ecclesiastico ratione Ordinis sacri, qui necessariò præmititur confessioni Episcopali: Ergo si Episcopus est tantum electus, & confirmatus, & nondum in sacris constitutus, non tenetur ratione status Episcopalis ad castitatem speciale. Vide pace viri docti puto non bene dici à Nugno, neccesse esse Episcopum in omni peccato mortali, etiam interno, vel occulto circumstantiam sui status explicare. Patet, quia, vt constat ex dictis, seculo scandalo, circumstantia huiusmodi status non transmittit peccatum ad aliam speciem licet illud aggraver ratione maioris obligationis, cum Episcopus debet procurare perfectionem.

RESOL.